

Broj: 08-04-750/25

Lukavac, 22.04.2025. godine

Na osnovu člana 64. stav (1). tačka a), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14, 59/22 i 50/24) i Preporuke Komisije za provođenje postupka javne nabavke broj: 08-04-750/25 od 22.04.2025. godine u otvorenom postupku nabavke usluga ODRŽAVANJE PUTNIČKIH MOTORNIH VOZILA, Pomoćnik Gradonačelnika Službe civilne zaštite i zajedničkih poslova donosi

ODLUKU
o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 08-04-750/25 od 22.04.2025. godine i Ugovor za nabavku usluga ODRŽAVANJE PUTNIČKIH MOTORNIH VOZILA, dodjeljuje ponuđaču EURO DAM-JAS D.O.O. LUKAVAC, koji je dostavio ponudu broj: AO-4/25 od 27.03.2025. godine, za ponudenu cijenu u iznosu od 28.158,24 KM bez PDV-a i rokom plaćanja od 60 dana od dana prijema fakture.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 08-02-729/25 od 19.03.2025. godine. Javna nabavka sprovedena je u otvorenom postupku. Procjenjena vrijednost javne nabavke bez PDV-a je 29.000,00 KM.

Obavještenje o nabavci broj: 719-1-2-7-3-33/25 objavljeno je na Portalu javnih nabavki dana 20.03.2025. godine.

Komisija za provođenje postupka javne nabavke imenovana Rješenjem o imenovanju Komisije broj: 02-04-885/25 od 01.04.2025. godine, dostavila je Pomoćniku Gradonačelnika Zapisnik o pregledu i ocjeni ponuda broj: 08-04-750/25 od 22.04.2025. godine, Preporuku o izboru najpovoljnijeg ponuđača broj: 08-04-750/25 od 22.04.2025. godine i Izvještaj o radu broj: 08-04-750/25 od 22.04.2025. godine.

U postupku po Izvještaju o radu Komisije utvrđeno je da je Komisija za provođenje postupka javne nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku blagovremeno zaprimljene 4 (četiri) ponude;
- da nije bilo neblagovremeno zaprimljenih ponuda;

- da su ponude ponuđača MIRADO D.O.O. TUZLA, EURO DAM-JAS D.O.O. LUKAVAC i O.R. „ĆATA FELGEN UND REIFEN“ LUKAVAC kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.
- da je ponuda ponuđača AUTO CENTAR LEGA D.O.O. LUKAVAC neprihvatljiva, naime komisija je prilikom računske kontrole ponude, utvrdila da su u Prilogu 3 – Obrazac za cijenu ponude napravljene računske greške te je pismenim putem zatražila saglasnost za ispravku računske greške u roku od tri dana, od dana prijema zahtjeva. Ponuđač u ostavljenom roku nije dostavio saglasnost za ispravku računske greške te je komisija u skladu sa članom 68. stav 4. tačka g) Zakona, Ponudu ponuđača AUTO CENTAR LEGA D.O.O. LUKAVAC odbacila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 29.000,00 KM i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- a) Cijena 98 %
- b) Rok plaćanja 2 %

Ponuđač EURO DAM-JAS D.O.O. LUKAVAC dostavio je prihvatljivu ponudu sa cijenom u iznosu od 28.158,24 KM bez PDV-a i rokom plaćanja 60 (šezdeset) dana od dana prijema fakture, te je primjenom kriterija ekonomski najpovoljnije ponude isti osvojio 100,00 bodova.


Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalitelj je obavezan dostaviti original dokaz o plaćenju naknadi za pokretanje žalbenog postupka, ovjeren od strane banke, sa pozivom na broj protokola tenderske dokumentacije na koju se izjavljuje žalba.

Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Grad Lukavac, Služba civilne zaštite i zajedničkih poslova, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.



Pomoćnik Gradonačelnika

Edin Hamzić, dipl.ing.

Dostaviti:

1. MIRADO D.O.O. TUZLA
2. EURO DAM-JAS D.O.O. LUKAVAC
3. AUTO CENTAR LEGA D.O.O. LUKAVAC
4. O.R. „ĆATA FELGEN UND REIFEN“ LUKAVAC,
5. Arhivi